

**Protocol no. 48****Sezzüda da mardi, 9 favrer 2010, 19.30 – 19.50**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**392 021 FABRICA**  
**Angelica Biert – Renovaziun plazza e tet in üert – Sot Pradè 221**

Sün dumonda da duonna Angelica decida il Cussagl cumünal da dar il permiss da fabrica cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 100.--.

**393 021 FABRICA**  
**Ursina Donnerstag – Ingrondimaint abitaziun, renovaziun boggn e sauna nouva – Chasellas 62**

Il Cussagl cumünal piglia incunter las spiegaziuns dal schef da fabrica a regard la chosa manzunada aint il titul. Cun quai cha'l patrun da fabrica nun es pront da's suottametter a las masüras previssas i'l sböz da la ledscha LPAP, decida il Cussagl cumünal da suottametter la dumonda a la zona da planisaziun e da sistar la dumonda da fabrica.

**394 7 AMBIANT E PLANISAZIUN**  
**Cita d'energia – Credit fr. 3'500.--**

Il capo orientescha sur dal stadi per survgnir il label cità d'energia. Per eruir quanta forza cha las chasas in cumün douvran, fa la cumischiun d'energia la proposta da conceder ün credit per tour sù quistas datas. Tenor offerta da l'Energia Engiadina s'amuntan ils cuosts sün fr. 3'500.--. Il Cussagl cumünal decida da conceder quist credit.

Puncts daja eir scha'l cumün spordscha agüd pro cussagliaziuns per sanaziuns energeticas da stabilimaints. Per üna cussagliaziun d'üna chasa as faja quint cun cuosts da ca. fr. 500.--. Il Cussagl cumünal es da princip perinplet d'inchaminar la via da surtour la mità da quists cuosts (vaglia però be scha la sanaziun vain eir executada).

**395 622.311 Cumprita da maschinas e veiculs**  
**Chadainas pel tractor – Credit fr. 5'400.--**

Il schef da vias orientescha cha las chadainas sun üsadas es sun cuort avant il tschunker. In congualond las offertas, decida il Cussagl cumünal da cumprar las chadainas pro la firma Mehli da Cuaira per ün predschnet da fr. 5'306.85. La firma ha concess ün rebass da 40 %.

**396 622 ORIENTAZIUNS**  
**Hof Zuort**

Il capo orientescha chi saja gnü vendü Zuort. Il cumprader es sar dr. Berry chi abita a San Murezzan.

L'actuar: